

經部

欽定四庫全書 經部

左傅事雄前集卷二

給事中温常後覆勘 詳校官監察御史區元良

校對官中書臣袁文即 總校官原任中允臣王燕緒 腾碌監生臣蕭 華

所重録之論斷中互相提引庶乎其淹貫也 ていうしたか 内器經界而傳詳 先經後經諸法故往往有無經之傳 左專事雄 山以相繁維也易編年為叙事 事或關兩事及數事者止從 以無遺古史之文 贖即解且無遺忘之病 叙事之 )法維傳中

號左癣能成一家之言特取其序以壓卷而孔序次之 會解說折衷一歸於正大期於發明經傳而止 讀春秋者異說紛紜漢唐以還不下數百家唯杜氏自 簡端碎評意之所寄偶拈一二以誌賞事之節目亦為 事統於篇年紀易紊故每年必隔一字書之年之首事 標額邀評一 篇末贅以愚論未敢言文旁集諸家雜采傳記無庸附 金ケロたとうし 則蒙本文大書某年餘則分注某年不使傳文叠出 概不收以上正

孔氏尊杜氏者也 Late De Land Links 左氏立例有發凡有新意前後互明最稱條悉自公穀 舊有東坡與圖雜入宋地諸侯年表止列數國宋人發 生異同之見胡氏成帖括之學左例遂置不講兹為推 而論之凡三十有一篇名曰左氏辯例 系二十有一拉着公姓卿族地與度量廣狹詳誌山川 明列傳舊史所無兹采綴一二遺事用補馬遷之關 圖說詳略失宜而削剛錯為復淆觀覽今立六圖世 左丁事牌

年表備列諸國各標大事其帝派天官職官則愚意所 金ケロトノー 式分國别氏指掌瞭然名曰春秋名氏譜 杜氏名號歸一圖久失讐技不無顛倒誤謬兹另為 暇隨覽隨鈔積而成帙名曰覽左隨筆 左氏碎金屑玉披覽獨新學識博通文字工絕曝日之 增也名曰左傅圖說 六書不明豕亥致紊附以左傳字釋用為考訂之助馬 前

國四方之事達四方之志諸侯亦各有國史大事書之於策 時以時繫年所以紀遠近别同異也故史之所記必表年以 春秋者魯史記之名也記事者以事繫日以日繁月以月繁 首事年有四時故錯舉以為所記之名也周禮有史官掌邦 **欽定四庫全書** 左傅事緯前集卷一 晉杜預春秋左傳序 靈壁知縣馬騙揆

1011 Jane Links

小事簡情而已孟子曰楚謂之檮机晉謂之来而魯謂之春

左傳事掉前集

其教之所存文之所害則刊而正之以示勸戒其餘則皆 真偽而志其曲禮上以遵周公之遺制下以明將來之法 典禮經也周德既哀官失其守上之人不能使春秋的明赴 矣吾乃今知周公之德與周之所以王韓子所見益周之舊 又曰非聖人孰能修之益周公之志仲尼從而明之左丘 即用舊史史有文質辭有詳略不必改也故傳曰其善志 告策書諸所記注多違舊章仲尼因魯史策書成文考其 秋其實一也韓宣子適魯見易象與魯春秋曰周禮盡在魯

ようり して とうき

たいコュルかり 澤之潤海然水釋怡然理順然後為得也其發凡以言 之要故也身為國史躬覽戴籍必廣記而備言之其文 |義而發其例之所重舊史遺文畧不盡舉非聖人所 始事或後經以終義或依經以辯理或錯經以合異隨 明受經於仲尼以爲經者不利之書也故傳或先經以 而柔之使自求之屬而飲之使自趨之者江海之浸膏 緩其肯遠將令學者原始要終尋其枝葉完其所窮優 例皆經國之常制周公之垂法史書之舊章仲尼從而 左傳事雜前集 修

其歸 五一 言 絥 舊 **族尊夫人梁亡城緣陵之類是也二曰志而晦約言示** 不 修之以成 ノング 凡曲 亦有史所不書 言不稱書曰之 例 E E 曰微 趣而已非例 而發義指行事以正褒貶諸稱書不書先書故書 而暢之也其經無義例因行事而言則傳直言 /: -: 而 顯文見於此而起義在彼稱 經之通體其微顯闡幽裁成義類者皆據 即 類皆所 也故發傳之體有三而為例之情 以為義者此盖春秋新意故傳不 ルス 起新舊發大義謂之變 族尊君命 有 例 舎

更 欲盖而章書齊豹盗三叛人名之類是也推此五體 成章曲從義訓以示大順諸所諱辟壁假許田之類是 にこう シーン・シー 正人倫之紀備矣或曰春秋以錯文見義若如所論 經當有事同文與而無其義也先儒所傳皆不其然答 經傳觸類而長之附於二百四十二年行事王道 車齊侯獻捷之類是也五曰懲惡而勸善求名而亡 四日盡而不行直書其事具文見意丹楹刻稱天 推 以 知例参會不地與謀曰及之類是也三日蛇而 左專事律竹集 則 いく

金厂口上生音 貶簡二傳而去異端盖丘明之志也其有疑錯則備 祖述進不得為錯綜經文以盡其變退不守丘明之傳 左氏春秋者多矣今其遺文可見者十數家大體轉 卦之爻可錯綜為六十四也固當依傳以為斷古今言 梁適足自乳預今所以為異專修丘明之傳以釋經 曰春秋雖以一字為褒貶然皆須數句以成言非 除貫必出於傳傳之義例總歸 丘 明之傳有所不通皆沒而不說而更膚引公羊穀 諸凡推變例以正褒 如 經

家故特舉劉賈許賴之違以見同異分經之年與傳之 惠 そこうる んたの 年 而 同之說釋例詳之也或日春秋之作左傳及穀梁無 顯其異同從而釋之名曰釋例將令學者觀其所聚異 文說者以為仲尼自衛反魯修春秋立素王丘明為素 相附比其義類各隨而解之名曰經傳集解又別集 卿皆先儒之美者也求有賴子嚴者雖淺近亦復名 關之以俟後賢然劉子駿創通大義賈景伯父子許 例及地名譜第歷數相與為部凡四十部十五卷皆 左傳事律前集 29 眀

害故微其文隱其義公羊經止獲麟而左氏經終孔丘 金厂里 臣言公年者亦云點周而王魯危行言孫以辟當時 已矣夫盖傷時王之政也麟鳳五靈王者之嘉瑞也今 在兹乎此制作之本意也數曰鳳鳥不至河不出圖 筆於獲麟之一句者所感而起固所以為終也曰然 秋何始於會隱公答曰周平王東周之始王也隱 出非其時虚其應而失其歸此聖人所以為感也 敢問所安答曰異乎余所聞仲尼曰文王既沒文不 則 絶 吾

讓國之賢君也考乎其時則相接言乎其位則列國本 乎其始則周公之祚脩也若平王能祈天永命紹開中 之迹不墜是故因其歷數附其行事采問之舊以會成 少七四車~言! 與隱公能弘宣祖業光故王室則西周之美可尋文武 以彰往考來情見乎解言髙則古遠幹約則意微此 有用我者吾其為東周乎此其義也若夫制作之文所 也所稱之公即會隱也安在其點周而王魯乎子曰如 王義垂法將來所書之王即平王也所用之歷即問 左傳事雜前集 īE

誣據公羊經止獲麟而左氏小 三年文成致麟既已妖妄又引經以至仲尼卒亦又近 而 以辟患非所聞也子路欲使門人為臣孔子以為 余以為感麟而作作起獲麟則文止於所起為得其實 至於反袂拭面稱吾道窮亦無取馬 ノ・・・・・モ 常非隱之也聖人包周身之防既作之後方復隱 云仲尼素王丘明素臣又非通論也先儒以為制 į. 杜預春秋長歷論 73 THE **都射不在三叛之數故** 欺天 作

ころの日と とう 書稱期三百六旬有六日以閏月定四時成歲允釐百 日官當會集此之遲疾以考成晦朔錯綜以設閏月 之一日日行一度而月日行十三度十九分度之有奇 其業以考其桁舉全數而言故曰六日其實五日四分 工庶績咸熙是以天子必置日官諸侯必置日御世 以相通四時八節無違乃得成歲其微密至美得 微以合天道事叙而不悖故傳曰閏以正時時以 無中氣而北斗都指兩辰之間所以異於他月也積 左傳事辯前集

金シロ屋 是七月之朔非六月故傳 也莊二十五年經書六月辛未朔日有食之鼓用牲 差差而不已遂與歷錯故仲尼丘明每於朔閏發文 得失並起時史之認無以明其餘日食或歷失其 正得失因以宣明歷數也桓十七年日食得朔而 周之六月夏之四月所 其日單 事以厚生生民之道於是乎在然陰陽之運隨動而 書朔僖十五年日食而史闕朔與日故傅 謂正陽之月也而時思誤 云非常也唯正月之朔慝未 因

くの方面のこれは 復發傳曰非禮明前傳欲以審正陽之月後傳發例 伐鼓常月因變而起歷誤也文十五年經文皆同而更 以明諸侯之禮也此乃聖賢之微古先儒所未喻也昭 乙者三十四而三統歷唯 朝近於指鹿為馬故傳曰不君美且因以明此月為 七年夏六月日有食之而平子言非正陽之月以 日有食之於是乎有用幣於社代鼓於朝此非用幣 天正也劉子嚴造三統歷以修春秋春秋日食有甲 左傳事解前集 食歷析比諸家既最缺 誣

金りせ 以為月二日或三日公建聖 干餘歲 其大指 可行之 與天消息也余感春秋之事常者歷論極言歷之通 自古以來諸論春秋者多还謬誤或造家術或用黃 以來諸歷以推經傳朔日皆不得語合日食於 驗經傳又書其朔食可謂得天而劉賈諸儒說皆 甚者班固前代名儒而謂之最密非 日天行不息日月星辰各運其倉皆動 朝益一日凡歲當累日為次而無故益之 明文其蔽在於守 班固 朔 物

屋台灣

物 次のういう 相序不得不有毫毛之差此自然理也故春秋日有頻 不有差失也始失於毫毛而尚未可覺積而成多以失 弦望朔晦則不得不改憲以從之書所謂欽若昊天歷 多矣雖數術絕減還尋經傳微古大畧可知時之達 合以驗天者也推此論之春秋二百餘年其治歷變通 象日月星辰易所謂治歴明時言當順天以求合非為 月而食者曠年不食者理不得一而算守恒數故歷無 動則不一 雖行度大量可得而限累日為月以新故 左傳事辯前集

金りせんと 晦 則 經傳有 元 善算李修夏顯依論體為術名乾度歷表上朝廷 也以推時驗而皆不然各據其學以推春秋此無異 合日行四分之數而微增月行用三百歲改憲 <u>ئ</u> گ 逑 相 通 /跡而 乾 推七千餘歲承以強弱強 盈縮時尚書 驗學者固當曲循 欲 厯 削 他人之足也余為歷論之後至咸軍 及史官以乾度與太 卷 經傳月日日之 弱之差盖少而適 始歷多 食以考 朔

欠こりうしいか 為經傳長應諸經傳證據及失閏時文字謬誤皆甄發 乃申抒舊意修成春秋釋例及經傳集解始記會沒那 汲縣 有發其界內舊家者大得古書皆簡編科斗文字 之雖未必其得天蓋春秋當時文歷也學者覽馬 康元年三月具冠始平余自江陵還襄陽解甲休兵 '據經傳微古證據及失閏古考日辰朔晦以相發明 晉杜預後序 左傳事牌前集

以驗春秋知三統歷之最疎也今具列其時得失之

隱公之元年正月也皆用夏正建寅之月為歲首編年 仲尼造之於魯尚未構之於遠國也其紀年篇起自夏 篇與今正同別有陰陽說而無象象文言繫解疑於時 次文侯昭侯以至曲沃莊伯莊伯之十一年十 殷周皆三代王事無諸國別也惟特記晉國起自殤权 通始者藏在秘府余晚得見之所記大几七十五卷多 發家者不以為 意往往散 礼科斗書久廢推尋不能盡 碎怪妄不可訓知周易及紀年最為分了周易上下 月會

たといる

之史記也推校哀王二十年太歲在王戌是周赧王之 相次晉國減獨記魏事下至魏哀王之二十年盖魏國 欠己のうから 之二十五 年也上去孔丘卒 百八十一歲下去今太康 古書記年篇惠王三十六年改元從一年始至十六年 也惠王三十六年卒而襄王立立十六年卒而哀王立 十六年秦昭王之八年韓襄王之十三年趙武靈王之 一十七年楚懷王之三十年燕昭王之十三年齊洛王 |年五百八十一歳||哀王於史記襄王之子恵王之孫 左傳事舞前集

書天王狩於河陽以臣召君不可以訓也諸若此輩 為後王年也哀王二十三年乃卒故特不稱諡謂之今 書郑儀父未王命故不書爵曰儀父貴之也又稱晉獻 王其著書文意大似春秋經推此足見古者國史策書 而稱惠成王卒即惠王也疑史記誤分惠成之世 公會虞師伐號滅下陽即春秋所書虞師晉師滅下陽 常也文稱魯隐公及都莊公盟於姑茂即春秋 )虞賄故也又稱周襄王會諸侯於河陽即春秋所

ノシケモ

尾八言

大三司三人町 多畧舉數係以明國史皆承告據實而書時事仲尼修 皆與左傳同名曰師春師春似是抄集者人名也紀 疑洞當為河即左傳所謂奏澤也齊國佐來獻王磨紀 春秋以義而制異文也又稱衛懿公及亦程戰於洞澤 不皆與史記尚書同然參而求之可以端正學者又 )顧即左傅所謂實媚人也諸所記多與左傅符同 公羊穀梁知此二書近世穿鑿非春秋本意審矣 卷純集疏左氏傳卜筮事上下次第及其文義 左傳事緯前集 土

雖見 畧記之附集 解之末馬 桐 叙説太甲事 乖異不知老叟之伏生或致昏忘將此 分之左氏傳伊尹放太甲而相之卒無怨色然則太甲 於桐乃自立也伊尹即位於太甲七年太甲潛出 りゃ 殺 稱殷仲士即位居亳其卿士伊尹仲玉崩伊尹放太 亦當時雜記未足以取審也為其粗有盆於左氏 一放還殺伊尹而循以其子為相也此條大與尚書 伊尹乃立其子伊陟伊奮命復其父之田宅而中 苯 自

三才而宅九有順四時而治萬物四時序則玉燭調於 然則有為之務可不慎與國之大事在祀與我祀則必 上三才協則實命昌於下故可以享國永年令聞長世 夫春秋者紀人君動作之務是左史所職之書王者統 たいとりいったかり 若夫三始之目章於帝軒六經之道光於禮記然則此 盡其敬戎則不加無罪盟會協於禮與動順其節失則 **貶其惡得則褒其善此春秋之大古為皇王之明鑒也** 孔稠達春秋正義序 左傳事律前集

書之發其來尚矣但年祀綿邈無得而言暨乎周室東 賞之以利則無財說之以道則不用虚數街書之恩乃 遷王綱不振楚子北伐神器将移鄭伯敗王於前晉侯 是下陵上替内叛外侵九域騷然三綱遂絕夫子内韞 請踐於後竊僭名號者何國不然專行征伐者諸侯皆 大聖逢時若此欲垂之以法則無位正之以武則無兵 有得失據問經以正褒贬一字所嘉有同華家之贈 似喪家之狗既不救於已往冀垂訓於後昆因魯史之

金ケロとと言

實永世而作則歷百王而不朽者也至於秦滅典籍鴻 **猷遂演漢徳既與儒風不泯其前漢傳左氏者有張着** 言所點無異蕭斧之誅所謂不怒而人威不賞而人勸 為話訓然雜取公年穀梁以釋左氏此乃以冠雙屬將 賈誼尹成劉歆後漢有鄭衆賈達服虔許惠卿之等各 CIFE TO LOT VIEW 然綜麻方鑿圓枘其可入乎晉世杜元凱又為左氏集 投漆錐欲勿合其可離乎今校先儒優多杜為甲矣故 解專取丘明之傳以釋孔氏之經所謂子應乎母以膠 左傳事緯前集

其理也錐規杜過義又淺近所謂捕鳴蟬於前不知黄 其根節又意在於伐性好非毀規杜氏之失凡一百五 致遠其經註易者必具飾以文辭其理致難者乃不入 炫然沈氏於義例粗可於經傳極陳蘇氏則全不體本 内實為翹楚然聰惠辯博固亦罕傷而探贖鉤深未能 文唯旁攻賈服使後之學者鑽仰無成劉炫於數君之 晉宋傳授以至於今其為義疏者則有沈文何蘇寬劉 餘條習杜義而攻杜氏猶蠹生於木而還食其木 非

気ケロ

雀在其後按僖公三十三年經云晉人敗狄於箕社註 箕戰在基晉文公之後非是背丧用兵何得云與發戰 ここう見い 姊妻之杜註云盖寡者二人劉炫規云是襄公之姑成 同此則一年之經數行而已曾不勘省上下妄規得失 按殺戰在鏊晉文公之前可得云背丧用兵以賤者告 云卻缺稱人者未為鄉劉炫規云晉侯稱人與殺戰同 又襄公二十一年傳云都庶其以漆間丘來奔以公姑 公之姊只一人而已按成公二年成公之子公衡為質 左專事婦介集

庶其此等皆其事歷然猶尚妄說况其餘錯亂良可悲 逃歸則十六七矣公衡之年如此則於時成公三十三 矣然比諸義疏猶有可觀今奉勅刪定據以為本其有 及宋逃歸按家語本命云男子十六而化生公衡已能 四矣計至襄二十 仍不敢自專謹與朝請大夫國子博士臣谷那 門博士臣楊士勛四門博士臣朱長才等對共參定 漏以沈氏補馬若兩義俱違則特申短見雖誤率庸 年成公七十餘矣何得有姊而妻

萬 至十六年又奉勃與前修疏人及朝散大夫行大學博 左丘明魯人或曰楚左史倚相之後也為魯太史受經 士上騎都尉臣馬嘉運朝散大夫行大學博士上騎都 登仕即守大學助教雲騎尉臣隨德素等對勃使趙弘 尉臣王德韶給事即守四門博士上騎都尉臣蘇德融 このうことから 智覆更詳審為之正義凡三十六卷冀貽諸學者以禅 一馬 左丘明小傅 左傳事雜前集 十五

弟子弟子退而典言丘明恐弟子各安其意以失其真 層周公之國禮文備物史官有法故與丘明觀其史記 於孔子時周室東微載籍殘缺仲尼思存前聖之業以 據行事仍人道因物以立功就敗以成罰假日月以定 損大人當世君臣有權威勢力其事實皆形於傳是以 故論本事而作傳明夫子不以空言說經也春秋所貶 **歴數籍朝聘以定禮樂有所褒諱貶損不可書見口授** 隱而不宣所以免時難也又釆録前世穆王以來下訖

金ケロアノー

天王四号十二十二 知之丘明曰周人有愛裏而好珍羞欲為千金之裏而 過者離位馬君雖欲謀其將弗合乎魯侯曰吾子奚以 議之乃謂左丘明丘明曰臣丘其聖人與夫聖人在政 年不製一裹十年不足一牢何者周人之謀失矣今君 與狐謀其及欲為少牢之珍而與羊謀其羞言未卒狐 故號曰春秋外傳云魯侯欲以孔子為司徒将名三桓 於魯悼知伯之謀無不備載以為國語其文不主於經 相與逃於重丘之下羊相與藏於深林之中故周人五 左傳事維前集

事與或日丘明孔子以前賢人孔子所引率前世人如 家語及太史公書無乃後世之所附益當時未必有其 松羊之喻類戰國策士之言而孔子之為司徒不見於 羞也於是魯侯遂不與三桓謀而召孔子為司徒愚按 欲以孔丘為司徒召三桓而議之亦與狐謀裘與羊謀 傳春秋者疑楚人左史倚相之後故載楚事特詳多無 老彭伯夷之類又左傳國語屬綴不倫似非一人所為 經之傳此其證也其說頗非異不可考據夫孔子所稱

とってん

ELEVEDION JUMB 宅於壁中得古文逸禮三十九篇書十六篇天漢之後 沒二百餘年經既遭焚書亦廢滅及魯共王壞孔子舊 漢武帝時河間獻左氏及古文周官光武之世議立左 所修皆古文舊書多者二十餘通藏於秘府伏而未發 大國亦皆有無經之傳何必楚人之所作哉自左氏既 孔安國獻之遭巫蠱之難未及施行及春秋左氏丘明 淵騫之派豈非及門之士馬遷謂魯君子左丘明作傳 又謂左丘失明厥有國語且內外傳雜採異文若齊晉 左傳事釋前集

|元 與中鄭興父子及哉創通大義奏上左氏始立學官 博士或不肯置對歌因移書於太常博士責讓之和帝 詳畧不同散數以問向向不能非也及設親近欲建立 左氏列於學官哀帝令歌與五經博士講論其義諸儒 孔子而公羊穀梁在七十二弟子後傅聞之與親見其 由是章句義理備馬散以為左氏好惡與聖人同親見 **散校秘書見府中左氏傅大好之引傅釋經轉相發明** 氏學公羊之徒上書談左氏左氏之學不立成帝時劉 聖賢之大業諒亦終不可晦爾 然奈何漢儒聚訟紛紛久而後定豈古文之隱顯有時 辭無不燦然明備而公穀穿鑿往往自生抵牾優劣的 自此以後左氏顯而二傳微矣令觀左氏一書條例文

とこううう

7115

左南事牌前集

金にくせたとう 左傅事緯前集卷一

ラン・うう シー・ 也以一國之史記天下之事故詳內而略外書信而關疑用 王之正月也按隱公元年即平王之四十九年作春秋者胡 隱公元年春王正月傅曰元年春王周正月魯公之始年周 欽定四庫全書 不書曰平王四十九年而言隱公元年子春秋魯史非周書 左氏辨例上 左傅事緯前集卷二 年月例 三事一,奉行其 靈璧知縣馬騙揆

常失不班應者則經不書王桓公十有八年而不書王者十 隨月移春非王所改故不言王春而言王正月其或廢法亂 諸侯遥禀正朔故子朝之亂經仍書王不責以所不能也 金罗巴尼全洲 四時具而後為年是以時雖無事必舉首月以明時過桓 四知非盡為關文必是王不班歷矣靈景之際天子卑微 建子三代之正月不同故冠月以王言是時王之正月也春 王明此歷為王者所班夏正建寅矣商正建丑矣而周正則 年時月日以相統聚則史官舊文非義例之所加也首時書

歷之說也公羊曰隱無正月穀梁曰隱無正桓無王鑿 若時有事則隨事而擊之月其未詳月者直擊之時春 秋不遗時爾非不遺月也何必定舉首月哉若春之三 九年夏四月隱九年秋七月桓元年冬十月此類是也 矣史之所記年時月日皆應具文而春秋文多不具桓 月皆亡不得於春下空懸一王字故悉不書王非不 CALLED TOTAL 而無冬莊二十二年特稱夏五月又有日無月者十四 四年七年皆無秋冬定十四年無冬昭十年有十二月 左專事牌前集 班

文原有詳略仲尼因史成文不得不仍其舊而書之陳 尼備文而後人脫誤至其有時無月有月無日史官立 其不可知者或史策先闕而仲尼不改其可知者或仲 不得不然寧旨義例之所在耶春秋不以日月為例唯 倭鮑卒再赴而書二日衛侯晉卒重書丙戌慎疑因舊 隱元年冬十有二月公子益師卒傳曰公不與小飲 日食須甲乙而明卿卒為股肱之痛二者書日以見義 不書日桓十七年冬十月朔日有食之傳曰不書日官 故

穀於日月多生異義舉一經之文悉以日月絕之於公 失之也左氏發傳唯此二事知二者之外非例明矣公 秋時於螽蟆則曰甚則月不甚則時而又有桓盟不日 也過時而日隱之也不日謂之不能奏也當時而不日 侯日卒正也時獒正也不及時而日渴獒也不日慢獒 如則曰往時至月危至也往月至時危往也往月至月 Callery Links 惡之也於來朝則曰時正也月惡之也於卒葬則曰諸 正也日危不得差也於滅國則曰中國謹日平國月夷 左傳事維前集

美之即二家亦若矛盾之不相入也皆非聖人之本意 宣公以下書日四百三十有二年數同而後則倍之 有遠近詳略各別是以文公以上書日二百四十有九 敗崩薨卒基之屬則多書日量事為文本有同異况時 也按經朝聘侵代土功執殺之屬未嘗書日而要盟戰 外盟不日前定之盟不日甲之盟不日侵伐不日取色 曰謹之則曰惡之必曲說以求通而或此曰危之彼曰 不日詐戰不日微國不日夷狄不日諸說違其例者非

たこう東から 瑜年改元朝廟告朔因即人君之位故史官書之於策 桓公元年春王正月公即位此史策正法也人君繼 人遠遺落不可盡舉為例矣 出故也関公不書即位亂故也僖公不稱即位 公即位傳曰隱公不書即位攝也莊公不稱即位文 即位例 即位 不書即位四 左傳事維前集 公出 立

臣子一 金ケロたと言 意是美意亦成惡意亦如没其實而止存其意有是 不得本無可書非孔子刑之也桓文宣成襄昭定東八 哉隱莊閱僖舊史既無即位之文仲尼修經因而不增 於隱公之不即位既曰成其意而桓宣即位又曰如其 RP 君本自即位非孔子增之也公年曰君弑子不言即 也四君之於即位或讓而不為或痛而不忍或亂而 位則公年日如其意穀梁曰與聞乎就無恩於先君 例穀梁曰繼正即位繼弑不言即位而桓宣之 位

たらりっていたか 未得朝正正月無事可見是以不書追六月而後即位 實以書爾定公元年不書正月盖正月公尚未立歲首 嗣立似於隱之死日即合即位當如晉人弑属公而立 與賊謀自同於遭喪之禮猶待瑜年而後行之史臣據 位然亦改元告朔朝廟與人更始故史猶書春王正 見 即聖人之新意故傳以不書不稱發之四君雖 公即位改元不侍瑜年者然桓方歸罪寫氏許言不 此月本宜即位而實不即位皆有故也桓公弑兄 左傳事維前集 月 PP

既 文六年閏月不告月猶朝於廟傳曰非禮也閏以正時 魏以來雖秋冬改元者史必冠之於歲首遵此意哉 金ケモグと言 又不得一歲两年故於是歲八年即稱元史法然也漢 位而後改元未改之前必承前君之年而史官載策 非即位之常月記事之宜又須詳而日之故書戊辰 告朔例 不视朔 不告月

其告廟故亦曰告朔此日又以禮祭於宗廟謂之朝 其在歲首則謂之朝正襄二十九年傳稱釋不朝正 天子班歷於諸侯諸侯受而藏之祖廟每月之朔以 棄時政也何以為民此緣文公之失以明告朔之禮 時以作事事以厚生生民之道於是乎在矣不告閏 年告廟受而施行之遂以聽治此月之政謂之視朔 必於朔者人君設官分職委任臣下總成敗以效能 廟是也視朔朝廟其禮有二皆於月朔為之也夫聽政 廟 朔

火色日号 三十二十二

左傅事維前集

棄禮雖 其節敬其事制為視朔之法因月朔告廟遂以臨 聴 文 不視朔傳曰疾也文自六年不視閏朔盖其後是禮浸 稱告月傳言告朔告月必於朔也十六年夏五月 政考往議來顯衆以斷之由是上下交泰官治民安也 朝 阻非常月因而闕其禮故經書之以章其失怠政 政日紊國家之敗端必由此聖人知其然是以 柄以明賞誅使非躬親其事則忠惰不分亂言移 朝於廟則如勿朝故曰猶猶者可已之幹也經 朝 公四 簡 聴

クモル

覽載籍雖經所不載又廣記而備言之也僖五年傳曰 其失失亦不可勝書存一二以示法而已丘明作傳窮 特於此一表之則餘從可知且是春公以疾解齊會 禮實非怠惰故經復明其事按諸公以疾廢朔者不 於十六年則以疾故自二月至五月四不視朔錐曰奏 去是其証也既已一書顯禮明幾是後不復更載乃文 ていりうこう 因明其非許也視朔朝廟國之常事常事不書而唯書 廢諸公多有不行者定哀之世餼军徒存子貢感而欲 左傅事雜前集

臺諸侯有觀臺觀臺臺上構屋可以遠觀於歲春秋二 書禮也凡分至故閉必書雲物為備故也禮天子有靈 春王正月辛亥朔日南至公既視朔遂登觀臺以望而 金ケロスノー 禮因記其事復發凡以明問公之與傳中凡例五十唯 之日登臺以望書其所見雲物氣色若有慶異妖祥必 日至之禮兹則朔至同日故僖公兩行之左氏善公得 分夏冬二至立春立夏為改立秋立冬為閉用此八節 後驗書之所以為備豫也視朔者月朔之禮登臺者

CENT Source Contract 秋編年之體值朔書朔值晦書晦值閏書閏原無義例 Ð 晦 H 2 食既 食假朔日以明傷十五年夏五月日有食之傳曰 E) 朔與日官失之也是其例矣穀梁曰言日不言朔 夘晦成十六年六月甲午晦公年曰晦真也記異 )所記舊有詳略或闕馬弗備亦非褒幾之說也唯 凡經無其事然亦國家大典傳是以顯舉之也春 朔日並不言食晦夜朔日並言食正朔言朔不 朔此則未聞思析而徒穿鑿其說信五年九月 左傳事雜前集 吉 食

文公不告閏月猶朝於廟聖人明書示畿公年曰天無 在申司歷過也再失閏矣哀十二年十二月螽傳稱 此復指日為異其外謬尤甚矣聖人敬天作應用授民 尼曰今火猶西流司歷過也詳釋諸傳知閏月之為重 不感歸餘於終事則不悖襄二十七年十一月傳曰辰 故傳中每機置閏之失文元年傳曰於是閏三月非 也先王之正時也履端於始序則不您舉正於中民 分四時以正寒與置餘関以節盈虚所以重民事也 A TIME 禮

ここうほどか 此之為甚與 不數也是何其言之悖乎杜氏簡二傳而去異端殆莫 是月也循者通可已也穀梁曰天子不以告朔而喪事 王臣例 歸脈 來水三 來聘七 錫命三 左傳事維前集

說非例也三者天子之通稱也天子至尊不可貶責故 周王稱天王者二十五稱王者八稱天子者一傳無異 子氏未薨故名咺不應名而名贬咺也贬咺所以責王 馬隱元年天王使室呵求歸惠公仲子之睛傳曰緩 春秋無貶王之例而失禮亂紀之舉或貶王使以示義 手グモたイー 來含賙二 來會整二 IL.

也王臣下交必本王命故曰天王使某隱元年祭伯來 冢宰故稱父族又不稱使也文九年毛伯來求金傳曰 **皆實録也若祭公之逆王后則昏禮不稱主人又非** 傳曰非王命也此釋其私交也三年武氏子來求轉傳 車傳曰非禮也諸侯不貢車服天子不私求財推此 不書王命未罄也雖喻年而未整亦不稱王使若是者 例矣天子無求有求則識桓十五年天王使家文來求 曰王未葵也平王之丧在殯新王未得行其爵命聽於

次已四年 から

左傳事雜前集

使毛伯來錫公命此即位之錫也盖賜以命去合瑞 盖追命而褒稱其德若傳稱追命衛襄公是其比也成 位 言求賻求金皆非禮矣天子錫命未聞其詳諸侯或即 言賜齊侯命及策命晉侯皆命為侯伯成公又非其比 信若傳稱賜晉侯命是其比也晉侯受王惰知錫命 有玉也莊元年王使崇叔來錫桓公命此已薨之錫 年天子使召伯來賜公命此歷年乃錫不知何故傳 而見錫或歷年而加錫或已薨而追錫文元年天 卷二 為

一祭伯凡伯是也大夫稱字南季榮叔是也元士中士稱 |或者仍是合瑞之禮而緩用之尚以得之為紫故不復 たいりゃことかう 父在故名攝文職以出聘則為非禮是以贬之周禮 **恒歸賄以緩而名桓四年天王使宰渠伯糾來聘傅曰** 稱祭公稱字舉官而言之此正例也所以知其然者字 名劉夏石尚是也下士稱人公會王人於洮是也其或 不發凡言例而尋繹經傳可得而知也王之公卿書爵 談其緩爾齊晉衛之錫命不書不告也王臣之稱傳錐 左傳事群前集

傳曰卿不行非禮也劉夏非卿而名對言之則卿亦有 書爵復不可舎爵而書字襄十五年劉夏逆王后於齊 為虎賁氏周制大夫固多有爵者又何以稱也然則 屬未知書經其稱云何滕侯之先為周卜正齊侯呂仅 然春秋之世王之卿士有無爵者如王叔陳生伯與之 而無爵或亦書字但不可越字而稱名大夫有爵或亦 知何宰但貶而稱名則法當書字是大夫稱字之例矣 人小字中大夫二人字夫下大夫四人此字

書字之理王臣之見經者衆矣祭伯凡伯毛伯召伯單 たいしのことはから 伯尹子劉子單子其間未必無大夫南季祭叔家父王 褒貶既別以生義而例必存於經春秋之法其嚴如此 官做而授大事褒而字之然猶冠以王人王人下士也 子然而書其父字其父大夫也莊六年王人子突救 季子其間未必無卿第無明證故依例言之桓五年天 王使仍叔之子來聘傳曰弱也幾使童子出聘本父稱 侯爵 例 左傳事緯前集 ナニ

金厂厂里 春秋朝聘會盟之國宋為公魯晉齊衛陳察邢紀都為 侯秦鄭曹薛杞穀滑北燕為伯楚莒吳越邾小邾滕徐 五等之爵公侯伯子男以王命為諸侯者也其例稱 云二都初為附庸其後稱子滕薛把初稱為侯其後滕 在内不可自稱魯侯故書曰公從臣子之辭五等旨稱 下此為附庸附庸未命無爵不得謂之諸侯其例稱 纲 稱子薛杞降稱伯或曰時王之所進點也會為本國 部沈胡頓為子許宿為男是三十四國於經最顯 爵 名

年 Cally int Lite 賤 則為貶之桓七年穀伯綏來朝鄧侯吾離來朝傳曰名 贬责之說是例之當名矣五等之爵不生名其或生名 書某王為是絕而不基也所以知附庸例稱名者莊五 大爵不過子吳楚稱王僭而不典是以不藝若基則宜 之也僖二十五年衛侯燬滅邢傳曰同姓也故名貶 **諡稱公禮之常也祭養或書爵史氏異解爾夷狄錐** 死則諡曰某公是以傳文於列國皆稱公經於整旨 郑犁來來朝傳曰名未王命也但釋稱名之故而 左傳事維介禁 無

其說雖本由禮而難通於左氏且於經復多違謬姑無 諸侯之褒也是知六等之君皆可褒而稱字許叔紀 於義傳曰未王命故不書爵曰儀父貴之也此附庸之 取馬春秋嘉而書字君臣同例隱元年公及都儀父盟 告解以書之爾公年曰失地之君名穀梁曰名失國也 奔軌歸入則或名或不名者經不一法傳無明例盖從 褒也桓十七年蔡季自陳歸於蔡傳曰蔡人嘉之也此 而名是例不當名也諸侯之朝會征伐例皆不名至於

金ケロんと書

是其類矣公侯之稱子何也傷九年宋子會于葵丘傳 者文十八年子卒傅曰諱之也魯人諱弑循以未成君 小童公侯曰子在丧者未藝之稱既基則稱爵也公羊 日宋桓公奉未基而襄公會諸侯故曰子凡在喪王曰 告故以子書傷二十五年衛子盟於洮成公上述文志 曰君薨稱子其既葬稱子瑜年稱公非矣彼既葬稱子 二十八年衛子盟於踐土衛無新丧此亦稱子者武叔 降名稱子故嘉而從之是皆有故馬不得舉為例也僖 飲定四庫全書 -左傳事維前集 古

實同以貶責爾判者楚之初號也後乃改稱為楚國有 子來盟傳曰書子賤之也三者異事故重例以明之其 而非貶也則宋共衛惠衛定之流皆先君未基而稱 位未有成命不得為君也既公侯在丧稱子者是 七年把子來朝傳曰用夷禮故曰子襄二十九年 以貶之也傷二十三紀子卒傳曰書曰子祀夷也二 稱 禮矣既述父攝君者猶不稱爵則晉大子州蒲代 侯非禮矣是皆可觸類而知也紀伯之稱子變 例

|謂之失位此仲尼削之以示譏亦變例之僅見者乃知 楚之為狄久矣猾夏日甚何獨於初貶馬諸侯之貶或 **氏獨謂三人皆附庸之世子其君應稱名故其子降** 者桓十五年都人年人萬人來朝公敦皆以為外之杜 貶諸侯之例或書名或削之或稱子盡矣未有以人稱 至沒而不書成二年盟於蜀傳曰許蔡不書乗赴車也 左傳事雜前集

老國穀梁曰外之也夫貶之有道何乃於國名生異且

二名猶小都之初名鄉者非敗也公羊曰州名也州不

|秋空四車全書 |

責君矣登謝堂而問鳳毛責坊州以貢杜若何以異此 而傳言諸侯者十有 盖左氏無貶君稱人之例杜是以推其說也按經書 記注之異者謂貶諸侯而去爵稱人是指責卿之 班序例 晉文公會盟之國十 宋襄公會盟之國十 齊桓公會盟之國十五 一丘明皆不發例要亦當世告 許齊 那周 鄭周衛魯 魯 苔齊和陳和宋 和宋滕衛滑陳 秦陳鄱 蔡 鄭 江 蔡 黄 鄭 許 例

春秋之盟會侵伐魯會他國者皆序魯於會字之上 ことりにきず 十五年會齊侯宋公陳侯衞侯鄭伯許男滑伯滕子 會不合書名於經則會上無字直言所為之事而已 尊魯也從本國之解自書其事於文宜然也若微者往 楚靈王會盟之國十三頓胡沈小都淮夷晋平公會盟之國十七許曹莒都滕薛祀小晉里公會盟之國十七魯楚齊秦宋蔡衛陳 晉悼公會盟之國十六都滕薛把 楚莊王會盟之國四陳 左傳事雄前集 非 邾鄭

十四年公會宋公陳侯衛侯鄭伯許男曹伯晉趙盾同 金厂厂口 盟於新城是也若王臣在會不問尊甲必序王臣於列 五年齊侯宋公陳侯衛侯鄭伯會于野是也若伯主遣 盟於幽是也若魯人不與而諸侯相會則但序列前後 世子款盟于洮九年公會宰局公齊侯宋子衛侯鄭伯 大夫往會諸侯雖政在伯國猶序大夫於諸侯之下文 錐伯主亦止序諸侯之上爾不言伯主會某某也莊十 國之上僖八年公會王人齊侯宋公衛侯許男曹伯陳

七年陳皆在衛下公孫寧孔與非正卿也傷二十八年 陳以小國班齊衛上遂終乎春秋是其所序而進也然 主未有成列祭常在衛上唯桓十六年居陳下意者其 為班序莊十四年以前征伐會盟之國十有六時無伯 仲尼為其合於書法因不革者春秋之國以大小殭弱 許男曹伯于葵丘是也是皆春秋之常法史氏之舊文 後至乎桓文以來伯主之所序則為成例矣齊桓盟幽 而大夫不先正卿臣子不先諸侯故文十七年襄二十

てこり 田一 これ

左專事鄉前集

此復一 金ケロたとって 捷齊潘宋王臣莒期召陵之會蔡先衛也而傳稱萇弘 盟其姓為後故載書或與會次不同踐土之盟齊宋先 兵以為前後不問其分封班爵同異姓也然而周之宗 也而定四年傳稱其載書云晉重魯申衛武蔡甲午鄭 師故長於滕二十六年會澶淵傳曰鄭先宋不失所也 主又得而升降之襄十年伐鄭傳曰齊大子光先至于 衛在鄭下叔武未成君也班序雖定而或先至後至伯 時之進退而非常例矣伯主所序唯是土地甲

諸侯之上而主會主兵者則小國或居大國之前隱八 告劉子乃長衛侯是二者傳與經建盖皆王臣臨之故 會盟具序其餘雜盟未必盡然也列國有事大國雖居 都人鄭人伐宋 都主兵也齊桓公之伐鄭伐鄭伐徐皆 年宋公齊侯衛侯盟於五屋齊尊宋使主會也隱五年 こころうら ここ 來戰於即傳曰先書齊衛王爵也僖二年虞師晉師滅 之以見事之所自起舊法然爾桓十年齊侯衛侯鄭伯 先宋後齊盖小國主兵即伯主亦退序其下史據實書 左事事前集

多好四方全書 賄 事桓十四年公會鄭伯于曹傅曰曹人致儀禮也僖十 故左氏發傳以明之也會盟而以國地者地主亦與其 下陽傅曰光書虞賄故也鄭主兵而以王爵抑之虞食 諸侯盟於宋宋實不與盟而亦以國地者宋方見圍無 推此為例知諸以國地者國於與馬僖二十七年公會 九年陳人蔡人楚人鄭人盟於齊傳曰修桓公之好也 嫌于同盟也若此者尋繹可知非地主之例矣殊會殊 助晉而用主兵之例此仲尼特示新意以正褒貶者

VALIDATE Links 尊王世子既非其要而云外吳尤疎矣戚之會豈不猶 事立文之宜傳是以但指歸趣不發獲貶之義公穀謂 楚故也諸侯為其國動故殊序之以顯其事若此者就 也十四年季孫宿叔老會某某會吳於向傳曰為吳謀 通吳也襄十年公會某某會吳於祖傳曰會吳子壽夢 周也成十五年叔孫僑如會某其會吳於鍾離傅曰始 陳侯衛侯鄭伯許男曹伯會王世子於首止傳曰謀寧 盟先序列國而後言會某於某億五年公及齊侯宋公 左傳事雄前集

是兹吳乎春秋之先會後盟者於會既序列諸侯矣 事則復總稱諸侯以明之僖九年夏公會某其於葵丘 間錐無事然王世子會而不盟故稱諸侯以別之若此 秋七月伯姬卒九月諸侯盟於葵丘是矣首止之會盟 不終則不加序列而輒稱諸侯以識之僖十四年諸 總稱諸侯皆非敗也倘非前序後省之比列國有事 則不再序從省文也間無異事則不稱諸侯昭十 秋公會某其於平丘八月同盟於平丘是矣閒有異

金ケセんノニ

城縁陵傳曰不書其人有闕也文十五年諸侯盟於扈 傳曰書曰諸侯無能為也十七年諸侯會於扈傳曰書 州以定公位成十六年傳曰先君若有罪則君列諸 侯者皆仲尼變例之譏矣春秋自諸侯為政會列之所 展與出奔吳不稱爵未列會也故宣元年傳曰會於平 君書爵侯伯不復致討臣子殺之與弑君同昭元年苔 關遂重矣諸侯而篡立者苟得與於諸侯之會則以成 日諸侯無功也此皆以不足序列而畧之是知總稱諸 左傳事維前集

とのうる とよう

をかり 卿 白 固甚微矣聖人作經不得不據時宜而從之不能上 大夫士臣爵之等差也公侯為大國伯為次國子男 相 班爵之舊傳稱衛之於晉不得比次國則莒都滕 已改變所稱國之大小皆據當日之土地人民不 以此知列會則定位定位則書爵王政不行而諸 推 國周官之制其臣亦準之以分尊里但時至春秋 臣 稱 戴誠變局哉 例 侯 同

**脓來奔傳皆曰非卿紀裂繻逆女傳曰卿為君逆是此** 於天子下不能備禮成列唯是畧而書人故會盟侵伐 書字於經魯晉齊楚宋衛鄭陳察所常書也春秋之微 室車服禮儀皆如其命數若有事於會盟侵伐必列名 これしつ うしん 孫會等數人而已知合制者少也都庶其苔年夷都 國當時附隨大國不得列會者甚眾及其列會上無通 )役止曹公子首見經其餘以奔亡見者都界我曹公 左傳事練前集 主

周官也諸侯必有命卿命卿者其君正爵命之於朝宫

臣乎楚之始見也略書國名而已漸而書人矣漸而有 等做國亦皆有卿特以解陋不得見經祀降為夷况其 羊穀梁之說謂曹無大夫都婁無大夫皆無大夫楚 禮 三世無大夫此皆拘謬違經不可為訓公羊曰州不若 國準吳之始通也亦止書國名後乃漸有君臣皆其初 君臣矣至成二年盟蜀之役卿不書名為貶始得與中 大夫泰無大夫吳無君無大夫又曰隱不爵命大夫宋 文闕陋告解不能合禮是以略之非貶於其始也公

金ケロたくっち

名為不宜言我人也卿既卒不名例書字夷伯原仲是 進馬卿例書名其貶也外則降而稱人內則去族特稱 信斯言也楚至於文宣吳至於定哀為食日甚何德而 國國不若氏氏不若人人不若名名不若字字不若子 盗殺蔡侯申是也若非士又不得言盗襄二十九年關 也大夫名例不見經外書曰人內則直言所為之事而 已賤臣為亂書之曰盗定八年盗竊實玉大弓哀四年 殺吳子餘祭是也此春秋書法之大略也臣之有族者

处已可可 Acting

左傅事雄前集

古者天子賜姓命氏諸侯命族族者氏之别名也諸侯 禮也亦有生而賜族者莊三十二年立叔孫氏諸侯之 也而與族同例書之皆常也去之皆貶也何以知去族 子曰公子公子之子曰公孫子孫者繫公之常言非 於宋傳曰不書其族言違命也左氏三為發例知內臣 師代衛傅曰疾之也襄二十七年豹及諸侯之大夫盟 卿賜族隱八年無駭卒公命以字為展氏死而賜族 為貶乎隱四年量師師傳曰疾之也莊三年羽會齊

齊逆女傳曰尊君命也成十四年叔孫僑如如齊逆女 時君之命其言必稱先君以為禮辭桓三年公子量如 必稱族者族為君之所命卿行必奉命於君昏禮雖承 之可也嘉其解難珍而無貶故傳復發例馬卿之出入 命似宜去族然大夫出竟有可以利國家安社稷者專 遂會維戎盟於暴傳曰書曰公子遂珍之也此不由君 齊逆女傳曰修先君之好故曰公子宣元年公子遂如

有販而去族之例矣販去族則常例稱族文八年公子

Le Carron Line i

左傅事解前集

一手ケアンルとうで 傳曰稱族尊君命也首發傳以明先君之好次發傳以 禮互發其義以者稱族之常爾亦有有所尊崇而因以 如至自晉傳曰尊晉罪已禮也二十四年始至自晉傳 去族者遂以夫人婦姜至自齊傳曰尊夫人也僑如以 大國凡此非盡臣之罪也又一例也內去族既與外 日尊晉也內不使大夫與夫人敵貴外削吾臣族以崇 君命三發例以明族與公子之同凡此非褒也於昏 人婦姜氏至自齊傳曰舎族尊夫人也昭十四年意

當有命而經悉書以大夫何也按經傳卿大夫之文相 涉晉殺三鄉經日大夫那丘之會傳曰大夫其實卿也 大夫不書尊晉侯也此類是也夫未命者及一命之大 季孫宿會晉侯鄭伯齊人宋人衛人邾人於邢丘傅曰 人同眨即非貶亦同其例文二年晉人宋人陳人鄭 夫不得見經列名書字皆再命三命之卿大國之臣必 伐秦傅曰卿不書為穆公故尊秦也謂之崇德襄八年 Children Times 經不書即者非無卿也王制云上大夫卿是卿之總名 左傳事維前集 孟

宣十二年盟於清丘傅曰卿不書不實其言也成二年 會於澶淵傳曰向成不書後也三十年會於澶淵宋災 秦傅曰齊崔杼宋華閱仲江會伐秦不書情也向之會 盟於蜀傳曰鄉不書匱盟也襄十四年會吳於向會伐 書級也以懲不恪十七年伐宋傳曰卿不書失其所也 盟於程泉傳曰鄉不書罪之也文九年救鄭傅曰卿不 金ケロだと言 亦如之衛北宮括不書於向書於伐泰攝也二十六年 亦曰大夫也何以知外卿稱人之為貶乎僖二十九年

La Caranta Carter I 羣偽之言以誤其國猶不免識也諸時卿會而經書人 故傳曰卿不書不信也清丘之盟宋實其言然華椒承 錐宜稱人然事或殊異則有變例以名見經者文二年 左氏每事發例事不同而貶責則一成出仲尼之新意 問丘水奔傳曰庶其非卿也以地來雖賤必書重地也 **挈傳曰拏非卿也嘉獲之也襄二十一年 都庶其以漆** 晉士穀盟於垂隴傳曰書士穀堪其事也信元年獲苔 故不憚反覆以明之是外卿有貶而稱人之例矣大夫 左傳事維前樣 Ī

字書子書官皆不斥其名褒之也莊二十五年陳侯使 書重地也三十一年黑脏以濫來奔傳曰賤而書名重 善其寧魯難而不名此稱子之褒也丈八年宋殺其大 哀來斧傅曰貴之也此稱字之褒也閔二年高子來盟 地也此皆不當名而名故傳各發例以明之也卿之書 昭五年苔牟夷以牟婁及防兹來奔傳曰牟夷非卿 女权來聘傳曰嘉之故不名閔元年季子來歸傳曰嘉 也齊仲孫來傳曰書曰仲孫嘉之也文十四年宋子

金ケヒたと言

|城為意諸來奔效節於府人而出亦書以官皆貴之也 此稱官之褒也文十五年宋司馬華孫來盟傳曰其官 夫司馬宋司城來奔傳曰司馬握節以死故書以官司 從之書日宋司馬華孫貴之也此又兼書官與字以美 諸氏族之稱甚多參差欲託之於外赴則嫌有身自來 也去族為内卿之貶然外臣亦多不書族者尋按春秋 之也是皆當名又贵而不名亦各發義以明之又一例 者例不可通因有未賜族之說以無駭為比而復有

欠こうう かきう

左傳事律前某

千六

かりし 成熊等六七人皆稱氏族何獨於二人貶也欲以為 華 羊曰當國也穀梁曰弑而代之也然商人亦弑君取 督身為大宰胡為亦不稱族若以為未賜族傳中明有 胡為獨稱公子宋督宋萬穀梁曰萬宋之甲者也然宋 則有如是之異欲以為無例而左氏發明諸稱炳然明 得臣宜申者以為貶則自有國討之例且楚公子 不書者亦不可通也弑君不書族者四州吁無知 父督南官長萬之文豈是無族也殺大夫不書族者 公 國 例 側

盗三叛人名以懲不義數惡無禮其善志也似此新例 宣十年齊崔氏出奔衛傳曰書曰崔氏非其罪也且告 時諸國以意來赴鄰有詳略仲尼采文示義義之所起 著似非獨遺此也斯盖非與策舊法故傳不發凡例當 定非舊法司馬華孫之稱亦無他比是豈大例也乃 刊而正之義無所關則仍故策而已或有因舊示義者 以族不以名從告為文明從其本史矣昭三十一年傳 曰或求名而不得或欲盖而名章是以春秋書齊豹曰

たつうう から

左伸事維前禁

ニナと

宣十七年公弟叔肸卒傅曰公母弟也凡大子之母弟 盡無族者也經自莊公以上弑君者皆不言氏閔公以 矣 未賜族或時有詳略爾鄭究莒慶魯挾柔之屬亦未必 傳之所發皆仲尼之變例傳所不發則仍史文而書或 イングロナ とっち 下弑君者皆書氏亦足明時史之異非盡仲尼所刊 公在曰公子不在曰弟凡稱弟皆母弟也此母邪通例 母弟例

Mand Summer I 名桓九年曹伯使其世子射站來朝是矣附庸世子稱 也國有適長謂之儲君在王侯皆稱世子亦曰大子王 世子不名僖五年會王世子於首止是矣諸侯世子稱 若大子為君唯母弟稱弟書之於策所以殊而異之親 人十五年都人年人萬人來朝是矣大子之弟在王曰 而睦之既以隆友于之稱亦以與為人弟之敬成相爱 父也即母弟亦繁之公不得言大子之弟也統於公也 王子在侯曰公子繁之公者不必大子之母弟也尊在 **大傳事維前集** 

之盆也母弟之見經者二十傳發其六而已凡稱弟皆 得稱公子舊史原可兩通若非以此示例不必定加刊 又去弟以罪弟身隱元年鄭伯克段于鄢傳曰段不弟 起新意以正贬責兄而害弟稱弟以童兄罪弟而害兄 正也兄弟而相殺害則稱弟以示義仲尼據史策之例 母弟也然亦有不稱弟者何也庶弟不得稱弟而母弟 伯使其弟語來盟成十年衛侯之弟黑背師師侵鄭旨 母弟者正例也桓三年齊侯使其弟年來聘十四年鄭

かりせんと言

弟鍼出奔傳曰罪秦伯也秦伯有千乗之國而不能容 段為亂首故去弟而兩罪之此其所以異也襄二十年 弟顯稱二兄以為首惡佞夫弗知及謀故稱弟而專責王 夫傳曰罪在王也鄭伯懷嫉害之心天王縱羣臣以殺 故不言弟稱鄭伯識失教也襄三十年天王殺其弟 黄無罪則罪在陳侯此互舉之文也然則衛侯之弟轉 陳侯之弟黃出奔楚傳曰言非其罪也昭元年秦伯之 母弟罪泰伯則鍼無罪陳侯不能制禦臣下而弟見逐

でいる可東山町

左傳事維前集

充

出奔晉亦罪衛侯矣昭八年陳侯之弟招殺陳世子偃 貴非卿則不以公子公弟書之是以莒驾非鄉雖嘉獲 君母弟既非貶責明是國之常言矣子弟之稱與族同 五年公子友如陳昭元年陳公子招會號此二公子皆 好之事則仍舊史之稱或曰弟或曰公子可爾莊二十 招雖有罪然不推刃於其兄故從兩下相殺之文以首 師傳曰罪在招也春秋兩下相殺則兩名之以罪殺者 惡書弟書名罪又輕於段之害兄故存其弟也若夫嘉

之而書名猶不曰岂子之弟 等知諸書弟者又必卿也之而書名猶不曰岂子之弟 等新書馬得有常典哉
---

内女來歸三	内女來三	致女一	求婦一	入一	至二	媵四	歸六	金牙口尼全書

修昏烟娶元妃以奉粢盛孝也孝禮之始也此發例以 文二年公子遂如齊納幣傳曰禮也凡君即位好舅甥 納徵請期親迎是也納徵有玄纁束帛故諸侯謂之納 明旨禮之得書於經也儀禮士皆六禮下達納采納古 Ca. フロ とう 夫人如三 夫人歸于 夫人會享雜如九 會内女 左傳事雜削集 丰

金少巴尼人言 華元來聘傳曰聘共姬也聘即士禮所謂下達者華元 幣當使那也士昏親迎諸侯亦當親迎莊二十四年公 然二事書而餘不書者二事應使卿也成八年宋公使 幣諸侯昏禮亡以士昏準之不得止有納幣逆女二事 来逆女傳曰卿為君逆也文四年逆婦姜於齊傳曰卿 如齊逆女是也者君有故則使鄉代之隱二年紀裂總 非 以卿而書然經用常聘之文傳止言其事而不謂禮盖 所應使矣夏宋公使公孫壽來納幣傳曰禮也是納

**畧輕也襄十五年劉夏送王后於齊傳曰官師從軍** 親迎使即逆而上公臨之桓八年祭公來遂逆王后于 不行非禮也是鄉逆則為禮矣唯天子尊無與敵不行 魯也昏姻必實主敵體故天子聘后於諸侯必使同姓 后傳謂非禮知祭公逆后必有卿矣不書單靖公未 紀傳曰禮也祭公為天子三公故言合禮不言即舉 Otal Time Tital 公逆王后於齊鄉不行非禮也劉夏非卿而從上公逆 諸侯為主今與后家為禮故祭公先來受命於魯魯 左傳事維前集 三十二

姬之館於外傳曰為外禮也魯齊仇響莊不敢違王命 與夫家為禮莊元年單伯送王姬是也嫁女則先送女 王后之書亦鮮又須從告嫁於列國雖告不書也納 但遣使住逆王命已成不復過會直歸京師而已桓 且在諒間故於外得禮變之正也迎后則今會為主會 於魯以待夫家之逆王姬至魯必為館以處之秋築王 主昏也天子嫁女於諸侯亦必使同姓之諸侯為主令 紀季姜歸於京師傅曰凡諸侯之女行唯王后書按

金万旦左全書

-之心不欲自言娶婦故卿禀君母之命而婦人之命又 國君無母臣無所禀命不得不稱君命宋公孫毒是也 こううし ここ 嫁為文傷十五年季姬歸於節前年季姬來寧公止之 初嫁也莊十二年紀叔姬歸於鄰紀侯去國而死叔 此各據事以書非例也婦人謂嫁曰歸凡稱字以歸皆 不可通於都國若言卿軌自來者紀裂編之類是也若 逆女或稱使或不稱使何也昏禮不稱主人為有無 魯紀李自定而後歸之全節守義故擊之紀而以 左時事律前集 ī¥ī. 瓜

逆稱后舉其得王之命后禮已成示無外也於歸稱字 而絕鄭子兹既朝而還嫁之故來寧不書而用更嫁之 者所以明尊甲之别示文義之順傳雖不發凡經文固 髙固來逆叔姬傳曰書曰逆叔姬卿自逆也是也若此 公子遂逆女是也卿自為逆則稱所逆之字宣五年齊 侯於逆稱女卿為君逆亦如之內外皆然莊公紀裂繻 以伸父母之尊雖嫁於王猶曰吾女某紀姜是也諸 二者非嫁書歸就事立文之義也婦人之稱天子於

金好口戶全書

卷二

いろのとすることのかり 昭然爾婦人對姑稱婦僖二十五年宋蕩伯姬來逆婦 十四年僑如以夫人婦姜氏至自齊是也文公之於出 非禮書也內娶不得速指其歸曰至自某既入國不得 姜也貴聘賤逆而入不告至故曰逆婦姜於齊而不稱 稱女曰夫人婦某氏婦者有姑之辭至者告廟之文成 女莊公之於哀姜也約幣親迎而有孟任之頗同反異 入故曰夫人姜氏入而不稱至二者違於常禮略文以 年紀伯姬來求婦是也婦人而求而逆盖皆以 左傳事權前集 市四

禮也夫人之貶僅見於此爾知其餘盡闕文矣桓三年 齊侯送姜氏於謹傳曰非禮也凡公嫁女於敵國姊妹 義例也莊元年夫人孫於齊傳曰不稱姜氏絕不為親 示異也宣元年遂以夫人婦姜至自齊史闕文無氏非 舊典經錐不盡有其事傳緣齊侯之失而並及之王后 國則上大夫送之此通言送女之例也諸稱凡皆周公 則上卿送之以禮於先君公子則下卿送之於大國雜 公子亦上卿送之於天子則諸卿皆行公不自送於小

LOCADE LAND 且不親送况列國乎禮夫人初至大夫執賴以見以明 過榛栗素脩今男女同贄是無别也然則觀之常不書 親用幣傳曰非禮也男贅大者王帛小者禽鳥女贅不 臣子之道宗婦亦見通謂之觀莊二十四年大夫宗婦 女同姓媵之異姓則否古者諸侯取適夫人姪姊為媵 則 同姓之國亦媵國三人凡九女所以廣繼嗣也夫人薨 以非常書也成八年衛人來媵傳曰禮也凡諸侯嫁 不更聘以姪娣媵繼室一與之醮終身不二重人 左傳事律前集 孟

後者參骨內至親以息陰訟故媵必用同姓禮稱納 篇夫婦之義也若當時無人則待年而勝故有媵在嫁 姓之媵矣九年晉人來媵傅曰禮也十年齊人來媵非 於天子曰備百姓於國君曰備酒漿國君不言百姓是無異 致女存無序動用為命姻之好在內則詳書其事在 可知也女嫁三月使大夫隨加聘問以致成婦禮 侯使其第年來聘傳曰致夫人也詳內畧外之宜非 則用聘文而已成九年季孫行父如宋致女桓三年

義例也內臣外昏則皆因聘而往卿非君命不越竟而 私家之昏姻不得書策悉皆曰如某猶聘問之常文而 子既嫁有時而歸問父母之寧否謂之歸寧父母既沒 巴僖五年公孫兹如年成八年公孫嬰齊如莒是也女 歸寧曰來出曰來歸夫人歸寧曰如某出曰歸于某此 禮也是矣婦人犯七出之條見絕於夫而歸父母之家 CIA DO HOL Like 謂之出莊二十七年把伯姬來傳曰寧也凡諸侯之女 則使卿寧其兄弟傳稱楚司馬子康聘於泰為夫人寧 立傳事維前集 杢


與出同文也文十五年齊人來歸子叔姬傳曰王故也 金好口だ全書 與也而春秋實有其事無例可稱故皆直書以明其失 也此年把伯姬來寧也宣十六年奶伯姬來歸傳曰出 通言寧出之例也來與如皆有反之言歸者不反之解 迎送不出門見兄弟不喻闕故禮有寧無會外事非 此亦出而歸文在上齊以王命送魯是以異文爾婦 文十八年夫人姜氏歸於齊傳曰大歸也子死自去故 也文九年夫人姜氏如齊歸寧也曾之夫人無被出者

傳曰書姦也七年夫人姜氏會齊侯於防傳曰齊志也 義不处守諸侯非民事不舉卿非君命不越竟會內女 莊二十七年公會把伯姬於派傳曰非事也天子非展 文姜比年與齊侯會或日會或日享或日如師既非禮 非諸侯之事是以幾之莊二年夫人姜氏會齊侯於為 之所及小君之行不得不書故經明記其事傳於齊地 也十九年二十年夫人姜氏如莒莒非父母之國不侍 曰書姦於魯地曰齊志略樂兩端即實而言以見其餘

Control Lite

左傅事維前集

Ī



大記司言人等 君行曰朝鄉行曰聘朝者諸侯朝於天子小國朝於大 列國來朝四十四者四大夫如列國五十六者不數 外相如四 公如楚二 列國來聘三十 公如齊十 公如晉二十 非桓 朝莊 左傅事維前集 不四 數如 如

國聘者使卿執玉帛以相存問也夫諸侯朝於天子 典廢闕而春秋猶有行者文十一 世 制皆所以習禮考義正刑一徳以尊天子非若春秋之 交歲相問也殷相聘也世相朝也是諸侯亦有相朝之 也而諸侯之自相朝何也周禮大行人曰凡諸侯之邦 世 而來見也此彼新立而朝此也襄元年都子來朝衛 疆弱眾寡相制使小國奔走不得寧也父死子立曰 君初立或彼來朝或往朝之皆為世相朝法雖 年曹伯來朝傳曰 即 可

くいアノ E

火でのちくす! 侯使公孫剽求聘傅曰禮也凡諸侯即位小國朝之大 修王命古之制也既云古制必亦周法而周禮無其文 馬文十五年曹伯來朝傳曰禮也諸侯五年再相朝 是此新立而彼朝之也此於周禮世相朝之制盖有合 國聘馬以繼好結信謀事補關禮之大者也都之來朝 大者爾文元年公孫敖如齊傳曰始聘馬禮也凡君 何也盖一世一朝疎濶太甚其聞年必有相朝之法且 新 一舊彼此未狎於此之際必須往朝周禮特舉 左傳事維前集 芜

位 位 忠信甲讓之道也此曰即位而卿出聘襄元年又曰即 因時制宜非復周法之故子大叔云文襄之霸也其務 曰 物諸侯或從或建是以都曹之國尚有率舊章合周禮 r E 大國聘馬是新君初立復有交聘之法一如朝禮豈 柳出放聘踐修舊好要結外援好事都國以衛 煩諸侯令諸侯三歲而聘五歲而朝盖以五年再朝 世 Ĺ 數更制從簡所以說諸侯也霸主未能創制改 聘而已間年之聘又可類推也自霸主為政 社 稷

者文裏德衰朝聘無復定準悼公又從而更命之襄八 周禮不行久矣內之朝聘於列國皆書曰如如者書其 魯皆書曰來朝來聘彼固已朝已聘矣書其終事也 書曰朝曰聘也僖二十八年夏公朝于王所冬公朝于 年傳曰會于邢丘以命朝聘之數是亦上同文襄爾而 王所王不在京師朝而後書故不言如也外之朝聘於 始事未知其終事否也故朝一也則有至河乃復者聘 一也則有至黄乃復不至而復奔莒者安得於其始遂

たのりはいまり

左傳事維前集

四十

寓褒貶於字句也公羊曰煎言之何微國也夫殺鄧之 皆來而不能行朝禮故不言朝者此之類據實為文非 朝是矣莊二十三年蕭叔朝公就穀而朝故不言來僖 朝魯者若偕至而同行朝禮則總書來朝隱十一年滕 不大於滕薛明矣是故弗取也桓五年冬州公如曹六 行朝禮則各書來朝桓七年穀伯綏來朝節侯吾離來 侯薛侯來朝桓十五年都人年人萬人來朝是矣若各 二十九年春介葛盧來冬介葛盧來襄十八年白狄來

亦曰如告而後書桓五年齊侯鄭伯如紀齊鄭借朝欲 十四單伯如齊為魯如齊故書也襄五年叔孫豹節世 梁曰以其畫我故簡言之也此亦偏執之論也外相朝 承上年省文也春秋固有省文之書若昭六年齊侯伐 則行朝禮言朝則遂留不去故變文言實來不言州公 年春實來傳曰自曹來朝書曰實來不復其國也言奔 北燕七年暨齊平之類是矣公羊曰慢之也化我也穀 以襲紀紀懼而告來也州公如曹為明年實來書也文

Local Deat Line

左傅事解前集

早

金ケロとと言言 書之也外相如多矣餘悉不書以無關內事又不告故 春秋之世唯利是視尚何有於殷聘世朝之周禮哉 爾魯之朝聘於天子者八而朝聘於列國者九十魯之 子巫如晉傅曰言比諸魯大夫也魯觀之於晉故變例 所朝者晉齊與楚而朝魯者曹都滕薛等數小國而已 會盟例 盟一百九 會九十七

春秋王政不行故諸侯自相會盟也會而不盟者但書 合諸侯之謂會昭神要言之謂盟朝聘會盟皆所以睦 曰會殺批載書而後書曰盟齊桓以前會盟之國十有 都尊王相信之道也古者會盟於方岳必出天子之命 CLEUD INC L. L. 五或特或参各從所好自北杏以後霸主為政則推為 骨命 遇七 平六 左傳事緯前集

金ケロに全書 等之爵公侯為尊列國之卿當小國之君故在會卿不 敢敵公侯而可以敵伯子男僖二十九年會王人晉人 宋人齊人陳人蔡人秦人盟於翟泉傳曰公會王子虎 會盟之首而列國從之其列序亦唯霸主是命而已五 虧禮傷義魯侯諱盟天子大夫故没不書公又皆稱人 此其例也王子虎下盟列國以賣大典諸卿上敵公侯 程泉卿不書罪之也在禮卿不會公侯會伯子男可也 晉於偃宋公孫固齊國歸又陳轅濤塗秦小子整盟於

いっていることなる ·青方示宋向戍後期故書良霄以駁之此責卿而不沒 趙武不書尊公也鄭先宋不失所也卿會公侯皆應貶 襄二十六年公會晉人鄭良霄宋人曹人於澶淵傳曰 所以知其然者若止責卿不應去公又不宜貶王子虎 身盟公削徒存名以彰其惡去公言及若使微者往會 晉欲辱公使大夫盟于其都陽處父不能臣君以正親 不用稱人之例以直厭其不直仲尼之變例也鄉嫌 公知没公者諱矣文二年及晉處久盟傳曰以康之也 左傳事維前集 四十二

金牙巴尼 會齊侯宋公陳世子教鄭世子華盟於宵母之類是也 立文不違常例既無關褒贬之義左氏無識馬內卿之 齊於蜀時有祭許之君故嬰齊書名是也若此者因事 會而有君雖不在列卿亦不貶成二年公會楚公子嬰 也是也若在會有君可以敵公則列國無貶傷七年公 夫不嫌敵公莊九年公及齊大夫盟於乾傳曰齊無君 公貶而稱人何也盖人則微者雖書於策無嫌其敵隱 年公及莒人盟於浮來之類是也若國內無君雖大

ALL THE

書曰會鄭伯為夷故也會卿鄭伯可以等夷故於此示 會公侯者甚多體例已舉故內事據史成文不復貶削 會盟所以共獎王室天子使臣臨之爾故往往同會而 襄十六年叔老會鄭伯晉荀偃衞甯殖宋人伐許傳曰 盟於踐土傳曰王子虎盟諸侯于王庭宣七年公會某 不同盟以諸侯不敢盟王國也僖二十八年公會某某 事發例哉王子虎翟泉之盟何以謂之瀆大與也諸侯 例所謂會伯子男可也者是矣春秋五文見義豈必事

ころいうう しかう

左傳事緯前集

四十四

唯翟泉諸侯新睦王室無虞子虎無故列盟是以貶之 子盟於雞澤時亦靈王新立此皆王命下盟事勢宜然 皆不列盟是尊之者正法也倘有王室不靖命使結盟 定公吳夫差於黄池秋七月盟吳晉爭先此三者王臣 十三年公會晉侯及吳子於黃池傳曰公會單平公晉 **某於黑壤傳曰盟於黑壤王叔桓公臨之以謀不睦哀** 文十年及蘇子盟於女栗傳曰項王立故也襄三年單 於諸侯則經無貶責傷八年王人盟洮傳曰謀王室也

金厂厂

アノハー

COLUMN CALAMO 三年於雞澤傳曰晉為鄭服故合諸侯九年於戲傳曰 春秋王臣之會盟十餘事成依是而類推矣盟而稱同 鄭服也七年於馬陵傳曰尋蟲牢之盟且莒服故也襄 新城傳曰從於楚者服且謀都也成五年於蟲牢傳曰 日鄭成也二十七年于幽傳曰陳鄭服也文十四年于 楚也二說雖近是而服異之說九多莊十六年于幽傳 服異之辭也假神明以要不信故載辭或稱同春秋之 同盟十六公羊曰同者同欲也穀梁曰同尊周也同外 左傳事碑前集

金欠日 七年於宵母鄭大子華聽命於會然傳言子華請去三 盟貫陳許頓胡之盟臯鮑原非同盟故不用服異之 年於重丘傳曰齊成故也昭十三年於平丘傳曰齊服 族管仲曰君其勿許鄭必受盟是鄭猶未服也八年 也其似宜稱同而不稱者僖五年盟於首止鄭伯逃歸 服也十一 此十盟者皆先同而復異故以服異為文若江黄之 伯乞盟然傳言請服是鄭猶未列會也文十五 一年於亳城北傳曰鄭人懼乃行成二十 例

r

言卻缺入蔡以城下之盟而還是蔡已先服也此皆不 於盟服異是以不用也宣十二年於清丘傳曰恤病討 卻缺入察冬盟於扈傳稱蔡亦與盟是蔡新來服然傳 盟皆非服異而稱同盟者清丘斷道與蒲諸侯已有貳 貳十七年於斷道傳曰討貳也成九年於蒲傳曰諸侯 傳曰尋成之盟也十八年於虚打傳曰謀救宋也此六 貳於晉十五年於戚傳曰討曹成公也十七年於柯陵 心故同心討貳戚與虚打同心疾惡柯陵之盟鄭人不 ここりうことかり 左傳事維前集 四十二 ı

是矣其他非諸侯之會而大夫盟於人國則往曰治盟 服欲令同心伐鄭是以載書亦皆稱同公年所謂同 來曰來盟與大來聘而因與盟者據事立文非義例之 九宋仲尼特級異文爾桓二年會於稷以成宋亂傳曰 所歸若但貶鄉稱人則疑於無功之類故明繁其故以 故傳曰九之也宋人不克自責而出會求財諸侯又無 為縣故立華氏也取部大馬於宋納於大廟傳曰非禮 加也諸會未有言其事者襄三十年會於澶淵宋炎

是已且文亦連言所會之事若會於家伐鄭之類非 若宋亂果成而取貼非禮者實為會諱所謂婉而成章 次三四号人子司 路之逢遇非如會之預謀間也克期聚集故有未及會 宋炎故之丁寧其辭也遇者草次之期各簡其禮若道 大者史臣不便指斥故遠述為會之意後擊取門之文 也本欲平亂竟立賊臣四國黨惡魯亦受縣乃國惡之 相見而遇者莊三十年公及齊侯遇於魯濟是也曲禮 而遇者隱四年公及宋公遇於清之類是也有暫須 左傳事律前集

アミケモル 生る 謂 秋之胥命止此一事豈他遂不為哉莊二十一年傳言胥 謂之胥命桓三年齊侯衞侯胥命於蒲傳曰不盟也春 云未及期相見曰遇相見於卻地曰會正指此類而或 國 曰人衆辭平稱衆上下欲之也然則彼不稱人者豈國 用周禮冬見曰遇者非矣申約言以相命而不較血 和平之義故不書公卿其或曰人與舉國一也穀梁 於弭盖事亦有之特以不告故不書爾和而不盟曰 先有不平今始釋怨修好諸平皆樂國言平總言二

會發四方之志天子巡守諸侯既朝則設方明是會盟 盟非平事矣其在周禮大宗伯以實禮親邦國而以盟 年及鄭平下乃云叔還如鄭治盟知平後或别有盟而 侯之志即有蹇畿亦曰彼善於此爾春秋無義戰春 者天子之權也春秋二百四十二年之問盟會成出諸 人及楚人平傳有盟辭昭七年熊暨齊平傳言盟於濡 上似平亦有盟者然平實修好之事非要盟也定十 人之志而臣民皆不欲乎其說陋矣宣十五年宋

とこうりんき

左傳事緯前集

早い